

## 2024 жылғы су тасқыны салдарынан агроенеркәсіптік кешенниң кәсіпкерлік субъектілеріне жылжымайтын мүлік бойынша келтірілген муліктік шығынға өтемақы төлеу қағидаларын бекіту туралы

Қазақстан Республикасы Ұлттық экономика министрінің м.а. 2025 жылғы 18 ақпандағы № 6 бұйрығы. Қазақстан Республикасының Әділет министрлігінде 2025 жылғы 20 ақпанда № 35740 болып тіркелді

**ЗҚАИ-ның ескертпесі!**

**Қолданысқа енгізу тәртібін 4-тармақтан қараңыз**

Қазақстан Республикасы Үкіметінің 2015 жылғы 25 сәуірдегі № 325 қаулысымен бекітілген Қазақстан Республикасы Үкіметінің және жергілікті атқарушы органдардың резервтерін пайдалану қағидаларының 24-5-тармағына сәйкес БҰЙЫРАМЫН:

1. Қоса беріліп отырған 2024 жылғы су тасқыны салдарынан агроенеркәсіптік кешенниң кәсіпкерлік субъектілеріне жылжымайтын мүлік бойынша келтірілген муліктік шығынға өтемақы төлеу қағидалары бекітілсін.

2. Қазақстан Республикасы Ұлттық экономика министрлігінің Кәсіпкерлікті мемлекеттік қолдау және қорғау департаменті Қазақстан Республикасының заңнамасында белгіленген тәртіппен осы бұйрықты Қазақстан Республикасының Әділет министрлігінде мемлекеттік тіркеуді және оны Қазақстан Республикасы Ұлттық экономика министрлігінің интернет-ресурсында орналастыруды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Ұлттық экономика вице-министріне жүктелсін.

4. Осы бұйрық алғашқы ресми жарияланған күнінен бастап қолданысқа енгізіледі және 2024 жылғы 1 наурыздан бастап туындаған құқықтық қатынастарға қолданылады және 2025 жылғы 31 наурызды қоса алғанға дейін қолданылады.

Қазақстан Республикасы

Ұлттық экономика министрінің

міндетін атқарушы

*Б. Омарбеков*

"КЕЛІСІЛДІ"

Қазақстан Республикасының

Қаржы министрлігі

Қазақстан Республикасы  
Ұлттық экономика министрінің  
міндетін атқарушы  
2025 жылғы 18 ақпандағы  
№ 6 бұйрығымен бекітілген

2024 жылғы су тасқыны салдарынан агроенеркәсіптік кешенниң кәсіпкерлік субъектілеріне жылжымайтын мүлік бойынша келтірілген муліктік шығынға өтемақы төлеу қағидалары

## **1-тaraу. Жалпы ережелер**

1. Осы 2024 жылғы су тасқыны салдарынан агроөнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынға өтемақы төлеу қағидалары (бұдан әрі – Қағидалар) Қазақстан Республикасы Үкіметінің 2015 жылғы 25 сәуірдегі № 325 қаулысымен бекітілген Қазақстан Республикасы Үкіметінің және жергілікті атқарушы органдардың резервтерін пайдалану қағидаларының 24-5-тармағына сәйкес әзірленді және 2024 жылғы су тасқыны салдарынан агроөнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынға өтемақы төлеу) айқындайды.

## **2-тaraу. 2024 жылғы су тасқыны салдарынан агроөнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынға өтемақы төлеу тәртібі**

2. Мүліктік шығынға өтемақы төлеу Қазақстан Республикасының сақтандыру және сақтандыру қызметі туралы заңнамасында көзделген тәртіппен сақтандырылған жылжымайтын мүлікті, сондай-ақ 2024 жылғы 1 наурыздан кейін меншік құқығы тіркелген жылжымайтын мүлік объектілерін қоспағанда, агроөнеркәсіптік кешенниң кәсіпкерлік субъектілерінің (бұдан әрі – мүлік иесі) жойылған жылжымайтын мүлкінің құнын немесе бүлінген жылжымайтын мүлкін қалпына келтіру жұмыстарының құнын өтеу жолымен жүргізіледі.

3. Облыстың жергілікті атқарушы органының шешімімен құрылатын 2024 жылғы су тасқыны салдарынан агроөнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынның өтемақысын айқындау жөніндегі өнірлік комиссияның (бұдан әрі – Өнірлік комиссия) немесе бюджеттен тыс қорлардың 2024 жылғы су тасқыны салдарынан агроөнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынның өтемақысын айқындау жөніндегі комиссиясының (бұдан әрі – Қор комиссиясы) шешімі жойылған жылжымайтын мүліктің құнын немесе бүлінген жылжымайтын мүлікті қалпына келтіру жұмыстарының құнын өтеу үшін негіз болып табылады.

Өнірлік комиссия өз қызметін осы Қағидаларға 1-қосымшаға сәйкес Үлгілік ереже негізінде жүзеге асырады.

4. Мүлік иесін 2024 жылғы су тасқыны салдарынан зардап шеккен деп тану үшін ауданның (облыстық маңызы бар қаланың) әкімі мүлік иесін 2024 жылғы су тасқыны салдарынан зардап шеккен деп тану жөніндегі комиссияны (бұдан әрі – Комиссия) құрады.

Комиссия өз қызметін осы Қағидаларға 2-қосымшаға сәйкес Үлгілік ереже негізінде жүзеге асырады.

5. Жойылған жылжымайтын мүліктің құны немесе бұлінген жылжымайтын мүлікті қалпына келтіру жұмыстарының құны мүлік иесіне мынадай көздерден:

1) бюджет заңнамасына сәйкес мемлекеттік бюджеттен;

2) бюджеттен тыс қорлар (бұдан әрі – Қор) қаражатынан оған қаражат төлеу жолымен өтеледі.

6. Жойылған жылжымайтын мүліктің немесе бұлінген жылжымайтын мүлікті қалпына келтіру жұмыстарының құнын өтеу үшін қаражат көзін айқындау Өнірлік комиссияның құзыретіне жатады.

7. Қазақстан Республикасының азаматтық заңнамасына сәйкес меншік құқығы немесе жылжымайтын мүлікке өзге де заттай құқық, осы жылжымайтын мүліктің құрамы осы Қағидалардың 14-тармағында көрсетілген тиісті құжаттармен расталады.

8. Жойылған жылжымайтын мүліктің немесе бұлінген жылжымайтын мүлікті қалпына келтіру жұмыстарының өтелетін құнының мөлшерін айқындауды Өнірлік комиссия және (немесе) Қор комиссиясы жүзеге асырады.

9. Жойылған жылжымайтын мүліктің құнын немесе бұлінген жылжымайтын мүлікті қалпына келтіру жұмыстарының құнын өтеу мөлшері ұсынылған ақаулық ведомосі, сметалық құжаттама, жобалау-сметалық құжаттама, жылжымайтын мүлікті бағалау не сот сараптамасы/арнайы зерттеу бойынша айқындалады.

10. Жойылған жылжымайтын мүліктің құнын бағалауды және (немесе) ілеспе аудиторлық көрсетілетін қызметтерді, техникалық қарап-тексеруді, жобалау-сметалық құжаттаманы жүргізуге, сметалық құжаттама жасауға және бұлінген жылжымайтын мүлікті қалпына келтіру жұмыстарының калькуляциясына, сот сараптамасына/арнайы зерттеуге байланысты көрсетілетін қызметтерге ақы төлеу облыстың жергілікті атқарушы органына және (немесе) Қорға жүктеледі.

11. Облыстың жергілікті атқарушы органы және (немесе) Қор осы Қағидалардың 10-тармағында көрсетілген қызметтерді көрсету үшін бағалау, аудиторлық ұйымдар тізбесін алдын ала айқындайды және оны жергілікті атқарушы органың интернет-ресурсында орналастырады.

Облыстың жергілікті атқарушы органы және (немесе) Қор қызметтерді көрсету фактісі бойынша осы Қағидалардың 10-тармағында көрсетілген қызметтерге ақы төлейді.

12. Жойылған жылжымайтын мүліктің құнын немесе бұлінген жылжымайтын мүлікті қалпына келтіру жұмыстарының құнын өтеу үшін мүлік иесі не оның өкілі Өнірлік комиссияға қағаз жеткізгіште не "Электрондық үкімет" [www.gov.kz](http://www.gov.kz) веб-порталы (бұдан әрі – электрондық платформа) арқылы осы Қағидаларға З-қосымшаға сәйкес нысан бойынша толтырылған, 2024 жылғы су тасқынынан агроөнеркәсіптік кешенниң кәсіпкерлік субъектілеріне жылжымайтын мүлік бойынша

келтірілген мүліктік шығынды өтеу туралы өтініш (бұдан әрі – Өтемақы туралы өтініш) және осы Қағидалардың 14-тармағында көзделген тізбе бойынша құжаттар топтамасын жібереді.

Мүлік иесі не оның өкілі Өтемақы туралы өтініште көрсетілген мәліметтердің және қоса берілген құжаттардың дұрыстығын раставиды.

АгроОнеркәсіптік кешенниң кәсіпкерлік субъектілері мүлкінің иесінен Өтемақы туралы өтініштерді қабылдауды Өнірлік комиссия және (немесе) Қор комиссиясы 2025 жылғы 31 наурызды қоса алғандағы мерзімде жүзеге асырады.

13. Өнірлік комиссия және (немесе) Қор комиссиясы Өтемақы туралы өтінішті түсken күнінен бастап 5 (бес) жұмыс күні ішінде қарайды.

14. Өтемақы туралы өтінішке мүлік иесі не оның өкілі өтемақы сомасын міндепті түрде көрсете отырып, Комиссия қорытындысының көшірмесін, сондай-ақ мыналарды береді:

1) дара кәсіпкерлер үшін – электронды түрде elicense.kz порталында "Жеке кабинет" – "Өтініштер мен алынған қызметтер тарихы" – "Хабарламалар" – "МО-ға қабылдау" – "Талон" қосымшасында дара кәсіпкер ретінде қызметті бастағаны туралы хабарламаның тіркелгені туралы талон, заңды тұлғалар үшін – электронды түрде egov.kz порталында "Көрсетілетін қызметтер" – "Бизнесті тіркеу және тарату" – "Заңды тұлғаны мемлекеттік тіркеу, филиалды (өкілдікті) есептік тіркеу туралы анықтама беру" қосымшасында заңды тұлғаны мемлекеттік тіркеу, филиалды (өкілдікті) есептік тіркеу туралы анықтама;

2) олардың негізінде жылжымайтын мүлікке құқықтар (құқықтар ауыртпалықтары) немесе жылжымайтын мүлікке өзге де заттай құқық туындаитын, өзгеретін және (немесе) тоқтатылатын құқық белгілейтін құжаттар, сәйкестендіру құжаттары (ол болған жағдайда);

3) осы Қағидаларға 4-қосымшаға сәйкес нысан бойынша жылжымайтын мүлікті ерікті сақтандырудың жоқтығы туралы өтініш не сақтандыру шарты не сақтандыру шартының электрондық көшірмесі (ол болған жағдайда);

4) осы Қағидаларға 5-қосымшаға сәйкес нысан бойынша мүлік иесіне не оның өкіліне ұсынылатын құжаттардың дұрыстығы үшін қылмыстық жауаптылық жөнінде ескертілгені туралы жазбаша хабарлама;

5) осы Қағидаларға 6-қосымшаға сәйкес нысан бойынша бағалау, сараптама үйимдарын және өтемақының мәлшерін айқындау үшін тартылатын адамдарды олар ұсынатын құжаттардағы мәліметтердің дұрыстығы үшін қылмыстық жауаптылық жөнінде ескертілгені туралы жазбаша хабарлама;

6) осы Қағидалардың 10-тармағында аталған көрсетілетін қызметтерге акы төлеуге арналған шот-фактура не шот;

Жылжымайтын мүлікті қалпына келтіру бойынша мынадай құжаттарды ұсыну қажет:

1) техникалық жағынан күрделі объектілер үшін – аккредиттелген сараптамалық үйым қол қойған және растиған техникалық қарап-тексеру қорытындысы.

Техникалық жағынан күрделі емес объектілер үшін – техникалық қарап-тексеру жөніндегі сарапшы қол қойған және растиған техникалық қарап-тексеру қорытындысы.

Ғимараттар мен құрылыштарды техникалық және (немесе) технологиялық жағынан күрделі объектілерге жатқызу тәртібі "Ғимараттар мен құрылыштарды техникалық және (немесе) технологиялық жағынан күрделі объектілерге жатқызудың жалпы тәртібін айқындау қағидаларын бекіту туралы" Қазақстан Республикасы Ұлттық экономика министрінің 2015 жылғы 28 ақпандағы № 165 бұйрығына (Нормативтік құқықтық актілерді мемлекеттік тіркеу тізілімінде № 10666 болып тіркелген) сәйкес айқындалады

2) жылжымайтын мұлік объектісінің кадастрық паспорты.

Мұндай құжат жоғалған немесе жойылған жағдайда осы құжаттың телнұсқалары не көшірмесі беріледі;

3) "Азаматтарға арналған үкімет" мемлекеттік корпорациясы" КЕАҚ филиалы берген жылжымайтын мұліктің жоқтығы (болуы) туралы мәліметтер;

4) ағымдағы жөндеу бойынша – сәулет, қала құрылышы және құрылыш қызметі саласындағы мемлекеттік нормативтерге сәйкес жасалған ақаулық ведомосі және сметалық құжаттама;

5) күрделі жөндеу бойынша – жобалардың кешенді сараптамасының оң қорытындысын алған және сметалық есептері бар жобалау-сметалық құжаттама;

6) қалпына келтіруге жатпайтын ғимараттарды демонтаждау бойынша – салдар туындаған кездегі тозуды ескере отырып, жылжымайтын мұлікті бағалау туралы есеп.

15. Осы Қағидалардың 14-тармағында көрсетілген құжаттар топтамасы толық ұсынылмаған кезде Өнірлік комиссияның жұмыс органды болып табылатын, кәсіпкерлікті дамытуға жауапты жергілікті атқарушы органдың құрылымдық бөлімшесі ұсынылған құжаттардың толық болмауына байланысты Өтемақы туралы өтінішті қайтару туралы шешім қабылдайды.

Ұсынылған құжаттарды қайтару туралы шешім мұлік иесін Өтемақы туралы өтінішті қайта жіберу мүмкіндігінен айырмайды.

16. Егер мұлік иесі өтеу сомасымен келіспеген жағдайда өтемақы сомасын айқындау жөніндегі (сот-бухгалтерлік немесе сот-тауартану) сот сараптамасы/арнайы зерттеу қосымша беріледі.

17. Өтемақы туралы өтініштің және осы Қағидалардың 14-тармағында көрсетілген тиісті құжаттардың негізінде Өнірлік комиссия және (немесе) Кор комиссиясы 5 (бес) жұмыс күні ішінде республикалық бюджет және (немесе) облыстың және (немесе) Қордың қаражатынан мұліктік шығынды өтеуге қаражат бөлуді көздейтін шешімнің жобасын әзірлейді.

Өнірлік комиссия және (немесе) Қор комиссиясының шешімінде:

- 1) шешімнің қабылданған күні және орны;
- 2) Өнірлік комиссия және (немесе) Қор комиссиясының атауы;
- 3) шешімді қабылдаудың негізі;
- 4) мұлік иесі;
- 5) төлеуге жататын сома;
- 6) қаржыландыру көзі туралы мәлімет қамтылады.

Мұліктік шығындарды өтеуден бас тарту туралы шешім қабылданған жағдайда, Өнірлік комиссия және (немесе) Қор комиссиясы 5 (бес) жұмыс күні ішінде мұлік иесіне жазбаша хабарлама жібереді.

Өнірлік комиссияның шешімі бойынша, егер сақтандыру шартының талаптарына сәйкес су тасқыны, төтенше жағдай барысында жылжымайтын мұлікке келтірілген залал сақтандыру жағдайы болып табылмаса, сақтандырылған жылжымайтын мұлікті өтеу жүргізіледі.

18. Облыстың жергілікті атқарушы органды 5 (бес) жұмыс күні ішінде Өнірлік комиссия және (немесе) Қор комиссиясы қабылдаған, меншік иелеріне облыстың және (немесе) Қордың бюджетінен мұліктік шығынды өтеуге қаражат бөлуді көздейтін шешімдердің негізінде мұлік иелерінің тізбесін, өтеуге жататын сомаларды, қаржыландыру көзін, сондай-ақ кәсіпкерлік субъектісінің санатын көрсете отырып, Өнірлік 2024 жылғы су тасқыны салдарынан зардал шеккен субъектілер тізілімін (бұдан әрі – Өнірлік тізілім) қалыптастырады.

19. Растайтын құжаттарды (Өнірлік комиссия және (немесе) Қор комиссиясы 2024 жылғы су тасқыны салдарынан жойылған жылжымайтын мұліктің құнын немесе бүлінген жылжымайтын мұлікті қалпына келтіру жұмыстарының құнын өтеу бойынша өз шешімін негіздеген Өнірлік комиссияның және Қор комиссиясының шешімдері) қоса бере отырып, Өнірлік тізілімді облыстың жергілікті атқарушы органды ай сайын есепті кезеңнің 5-күнінен кешіктірмей қалыптастырады және жалпы 2024 жылғы су тасқыны салдарынан зардал шеккен субъектілер тізілімін қалыптастыру үшін Қазақстан Республикасының Ұлттық экономика министрлігіне жібереді.

2024 жылғы су тасқыны  
салдарынан агроенеркәсіптік  
кешенниң кәсіпкерлік  
субъектілеріне жылжымайтын  
мұліктік шығынға өтемақы  
төлеу қағидаларына  
1-косымша

**2024 жылғы су тасқыны салдарынан агроенеркәсіптік кешенниң кәсіпкерлік субъектілеріне жылжымайтын мұлік бойынша келтірілген мұліктік шығынның өтемақысын айқындау жөніндегі өнірлік комиссия туралы үлгілік ереже**

## **1-тaraу. Жалпы ережелер**

1. Осы 2024 жылғы су тасқыны салдарынан агроОнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынның өтемақысын айқындау жөніндегі өнірлік комиссия туралы ұлгілік ереже (бұдан әрі – Ереже) 2024 жылғы су тасқыны салдарынан агроОнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынның өтемақысын айқындау жөніндегі өнірлік комиссияның (бұдан әрі – Өнірлік комиссия) мәртебесін және өкілеттіктерін айқындайды.

2. Өнірлік комиссия өз қызметін 2024 жылғы су тасқыны салдарынан агроОнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынның өтемақысы сомасын айқындау үшін қажетті кезеңде жүзеге асырады.

## **2-тaraу. Өнірлік комиссияның құрамы**

3. Өнірлік комиссия облыстың жергілікті атқарушы органдының шешімімен құрылады және бекітіледі.

4. Өнірлік комиссияның құрамы жеті мүшеден кем болмауға тиіс.

Өнірлік комиссияның құрамына жергілікті атқарушы және өкілді органдардың өкілдері, Қазақстан Республикасы Қаржы министрлігінің Мемлекеттік кірістер комитеті, Қазақстан Республикасының Ауыл шаруашылығы министрлігі, Қазақстан Республикасы Төтенше жағдайлар министрлігі және Қазақстан Республикасы Қаржы мониторингі агенттігі аумақтық органдарының, өнірлік кәсіпкерлер палаталары мен қоғамдық бірлестіктердің өкілдері кіреді.

5. Өнірлік комиссияға облыстың кәсіпкерлікті дамыту мәселелеріне жетекшілік ететін облыс әкімінің орынбасары жетекшілік етеді.

6. Жергілікті атқарушы органдың кәсіпкерлікті дамытуға жауапты құрылымдық бөлімшесі Өнірлік комиссияның құжаттарды жинауды және қалыптастыруды жүзеге асыратын жұмыс органы болып табылады.

7. Өнірлік комиссияның қызметін бастау және тоқтату туралы шешімді облыстың жергілікті атқарушы органы қабылдайды.

## **3-тaraу. Өнірлік комиссияның міндеттері**

8. Өнірлік комиссияның міндеттері:

- 1) 2024 жылғы су тасқыны салдарынан агроОнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынның өтемақысы сомасын айқындау;
- 2) мүлік иесі берген құжаттарды қарau;

3) жойылған/бұлған жылжымайтын мүлікке (қажет болған жағдайда) қарап-тексеру жүргізу;

4) мүлік иесі ұсынған мәліметтер мен құжаттарды тексеруді үйімдастыру.

**9. Жүктелген міндеттерді орындау үшін Өнірлік комиссия:**

1) 2024 жылғы су тасқыны салдарынан агроОнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынның өтемақысы сомасын айқындау жөніндегі құжаттар топтамасын қарау кезінде Өнірлік комиссияның отырыстарына мүлік иесін және (немесе) лауазымды тұлғаларды, мұдделі мемлекеттік органдар мен үйімдарды шақырады (қажет болған жағдайда);

2) 2024 жылғы су тасқыны салдарынан агроОнеркәсіптік кешенниң кәсіпкерлік субъектілеріне жылжымайтын мүлік бойынша келтірілген мүліктік шығынның өтемақысы сомасын айқындау мақсатында мүлік иесі ұсынған мәліметтер мен құжаттарға тексеру жүргізеді (қажет болған жағдайда);

3) өз құзыреті шегінде қолданыстағы заңнамада көзделген тәртіппен және шарттарда шешімдер қабылдайды.

**4-тaraу. Өнірлік комиссияның қызметін үйімдастыру**

10. Төрағаның шешімі бойынша Өнірлік комиссияның отырыстары мынадай нысандарда өткізіледі:

1) Өнірлік комиссия мүшелерінің бірлесіп қатысуы (бетпе-бет нысан не онлайн форматтағы бетпе-бет нысан);

2) мүлік иесінің не ол уәкілеттік берген адамның қатысуымен Өнірлік комиссияның көшпелі отырыстары.

11. Өнірлік комиссияның отырысы қажеттігіне қарай, бірақ аптасына кемінде бір рет өткізіледі.

2. Өнірлік комиссия бетпе-бет нысанда (онлайн форматтағы бетпе-бет нысан) өткізілетін отырыста оның мүшелерінің жартысынан астамы болған кезде шешім қабылдайды.

13. Өнірлік комиссия отырысының күн тәртібін төраға, ал ол болмаған кезде – тиісті шешімнің негізінде төрағаның міндетін атқарушы Өнірлік комиссияның мүшесі бекітеді.

14. Өнірлік комиссияның отырысын төраға, ал ол болмаған кезде – тиісті шешімнің негізінде төрағаның міндетін атқарушы Өнірлік комиссияның мүшесі шақырады.

15. Өнірлік комиссияның отырыстарын шақыру Өнірлік комиссияның отырысы өткізілетін күнге дейін кемінде 2 (екі) жұмыс күні бұрын Өнірлік комиссияның мүшелеріне электрондық нысанда (ақпараттың тұтастығы мен құпиялышының қамтамасыз етуге мүмкіндік беретін электрондық поштаны немесе байланыстың өзге

де түрлерін қоса алғанда, электрондық байланыс арналарын, сондай-ақ хабарламаны алу фактісін анық айқындау мүмкіндігін пайдалана отырып немесе адресатқа тікелей қол қойғызу арқылы табыс етіледі) хабарламалар жіберу жолымен жүргізіледі.

16. Хабарламада мыналар көрсетіледі:

- 1) Өнірлік комиссия отырысының өткізілетін күні, уақыты, орны және форматы;
- 2) Өнірлік комиссия отырысының күн тәртібі.

Хабарламаға қаралатын мәселелерге байланысты қажетті материалдар қоса беріледі

17. Өнірлік комиссияның отырыстарын шақыру туралы хабарлама қажет болған жағдайда Өнірлік комиссияның бетпе-бет отырысына қатысу үшін шақырылатын өзге адамдарға да жіберіледі.

Шақырылатын адамдардың тізбесін төраға немесе бұйрықтың негізінде төрағаның міндетін атқарушы Өнірлік комиссияның мүшесі айқындейды.

18. Өнірлік комиссияның отырысын өткізу нысанына қарамастан, мәселелерді шешу кезінде Өнірлік комиссияның әрбір мүшесі бір дауысқа ие болады.

19. Өнірлік комиссияның мүшелері Өнірлік комиссияның жұмысына өздері қатысады. Дауыс беру құқығын беруге, сондай-ақ басқа адамдар үшін дауыс беруге жол берілмейді.

20. Өнірлік комиссияның құзыретіне кіретін мәселелер бойынша шешімдер Өнірлік комиссия мүшелерінің көпшілік дауысымен қабылданады.

21. Өнірлік комиссияның мүшесі (Өнірлік комиссияның отырысын өткізу нысанына қарамастан) өзі қабылдаған шешімнің жазбаша дәлелді негізdemесін ұсынады. Осы құжатты Өнірлік комиссияның хатшысы Өнірлік комиссия отырысының хаттамасына қоса тіркейді.

22. Өнірлік комиссияның хатшысы Өнірлік комиссия төрағасының шешімімен жергілікті атқарушы органның жұмыскерлері қатарынан тағайындалады. Өнірлік комиссияның хатшысы Өнірлік комиссияның мүшесі болып табылмайды және дауыс беру құқығы жоқ.

23. Өнірлік комиссияның хатшысы:

1) осы Ережеде көзделген тәртіппен Өнірлік комиссияның қарауына шығарылатын мәселелер қатарынан Өнірлік комиссияның кезекті отырысының күн тәртібін қалыптастырады және оны Өнірлік комиссияның төрағасына бекітуге ұсынады;

2) Өнірлік комиссияның отырысын шақыру туралы хабарламаларды дайындауды және таратуды, қажетті материалдарды жинауды және таратуды ұйымдастырады;

3) отырысқа шақырылған адамдарды Өнірлік комиссия отырысының өткізілетін күні, орны мен уақыты туралы хабардар етеді, оларға отырыстың күн тәртібіндегі мәселелер бойынша материалдар жібереді;

4) келіп түскен, оның ішінде Электрондық платформадағы Өтемақы туралы өтініштерді есепке алушы жүргізеді;

5) Өнірлік комиссия отырыстарының хаттамаларын жүргізеді және оларға қол қояды;

6) Өнірлік комиссияның қарауына ұсынылатын материалдардың түпнұсқаларын есепке алуды және сактауды жүргізеді;

7) Өнірлік комиссияның қызметін ұйымдастырушылық қамтамасыз етуді жүзеге асырады;

8) Өнірлік комиссия отырысының хаттамаларынан үзінді көшірмелерді олардың орындалуын қамтамасыз ету мақсатында белгіленген тәртіппен таратуды жүзеге асырады;

9) Өнірлік комиссия отырысы хаттамаларының көшірмелерін, сондай-ақ Өнірлік комиссия отырысы хаттамасынан үзінді көшірмелерді (үзінді көшірмелердің көшірмелерін) күәландырады.

24. Өнірлік комиссия мүшелері өз қызметін жүзеге асыру кезінде:

1) Өнірлік комиссияның құрамында әрекет етеді, Өнірлік комиссияның құзыretіне жатқызылған мәселелер бойынша талқылауға және дауыс беруге қатысады;

2) Өнірлік комиссия отырысының күн тәртібін қалыптастыру мәселелері бойынша етініштер жасайды, ұсыныстар енгізеді;

3) Өнірлік комиссияның жұмыс жоспарларын қалыптастыру бойынша жазбаша ұсыныстар енгізеді;

4) Осы Ережеде көзделген тәртіппен Өнірлік комиссияның отырысын шақыруды талап етеді;

5) Өнірлік комиссия отырысының хаттамасына Өнірлік комиссия отырыстарының күн тәртібі мәселелері бойынша қабылданатын шешімдер бойынша ерекше пікірді енгізуі талап етеді;

6) Қазақстан Республикасы заңнамасының сақталуын қамтамасыз етеді;

7) Өнірлік комиссияның мүддесі үшін адал, парасатты және әділ әрекет етеді;

8) Өнірлік комиссияның отырысына өзі қатысады;

9) Өнірлік комиссияның хатшысына Өнірлік комиссия отырысы басталғанға дейін кемінде бір күн бұрын өзінің болмау себептерін көрсете отырып, Өнірлік комиссияның отырысына қатысу мүмкіндігі жоқ екені туралы хабарлайды;

10) мүдделер қақтығысы туындаған жағдайда Қазақстан Республикасының заңнамасына қайши келетін мақсаттарда өзінің лауазымдық жағдайын (Өнірлік комиссияның мүшесі ретінде) пайдаланудан бас тартады.

25. Өнірлік комиссияның мүшелері мүдделер қақтығысы туындаған жағдайда Өнірлік комиссияны хабардар етуді қамтамасыз етеді және тиісті шешімдер қабылдау кезінде дауыс беруден (тиісті шешім қабылдаудан қалыс қалады).

**5-тарау. Облыстың өнірлік комиссиясы отырысының хаттамасын ресімдеу**

26. Өнірлік комиссия отырысының нәтижелері бойынша Өнірлік комиссияның хатшысы ол өткізілгеннен кейін 1 (бір) жұмыс күнінен кешіктірілмейтін мерзімде отырыстың хаттамасын жасайды.

27. Өнірлік комиссия отырысының хаттамасында:

1) өткізу орны, уақыты, форматы (бетпе-бет, онлайн форматтағы бетпе-бет, сырттай );

2) отырысқа қатысып отырган адамдар;

3) отырыстың күн тәртібі;

4) дауыс беруге қойылған мәселелер және олар бойынша дауыс беру қорытындылары;

5) қабылданған шешімдер көрсетіледі.

28. Өнірлік комиссияның хатшысы Өнірлік комиссия отырысы хаттамасының дұрыс және уақтылы ресімделуін қамтамасыз етеді.

29. Хаттамаға Өнірлік комиссияның төрағасы (отырыста төрағалық етуші), Өнірлік комиссияның мүшелері және Өнірлік комиссияның хатшысы қол қояды.

30. Өнірлік комиссия отырысының хаттамасы 1 (бір) данада ресімделеді, оған бекітілген, қаралған құжаттардың мәтіндері, жазбаша пікірлер және хаттамаға қосымша болып табылатын өзге де материалдар қоса тіркеледі.

31. Өнірлік комиссия хаттамасының сканерленген көшірмесі де Электрондық платформада электрондық түрде сақталады.

32. Хаттамаға қол қойылғаннан кейін Өнірлік комиссияның хатшысы оған қол қойылған күннен бастап 1 (бір) жұмыс күнінен кешіктірілмейтін мерзімде Өнірлік комиссияның мүшелеріне хаттаманы таратуды ұйымдастырады.

2024 жылғы су тасқыны  
салдарынан агрономикалық  
кешенниң кәсіпкерлік  
субъекттеріне жылжымайтын  
мүлік бойынша келтірілген  
мүліктік шығынға өтемакы  
төлеу қағидаларына  
2-қосымша

**2024 жылғы су тасқыны салдарынан агрономикалық кешенниң кәсіпкерлік субъекттерін  
жылжымайтын мүлік бойынша зардап шеккен деп тану жөніндегі аудандық (облыстық  
маңызы бар қала) комиссияның үлгілік ережесі**

## **1-тaraу. Жалпы ережелер**

1. Осы 2024 жылғы су тасқыны салдарынан агрономикалық кешенниң кәсіпкерлік субъекттерін жылжымайтын мүлік бойынша зардап шеккен деп тану жөніндегі аудандық (облыстық маңызы бар қала) комиссияның үлгілік ережесі (бұдан әрі – Ереже ) Қазақстан Республикасының заңнамасына сәйкес әзірленді және 2024 жылғы су

тасқыны салдарынан агроөнеркәсіптік кешеннің кәсіпкерлік субъектілерін жылжымайтын мүлік бойынша зардап шеккен деп тану жөніндегі аудандық (облыстық маңызы бар қала) комиссияның (бұдан әрі – Комиссия) мәртебесі мен қызметіне байланысты мәселелерді реттейді.

2. Комиссия өз қызметін 2024 жылғы су тасқыны салдарынан зардап шеккен мүлік иесін айқындау үшін қажетті кезеңде жүзеге асырады.

## **2-тарау. Комиссияның құрамы**

3. Комиссия ауданының (облыстық маңызы бар қаланың) жергілікті атқарушы органының шешімімен құрылады және бекітіледі.

4. Комиссияның құрамы бес мүшеден кем болмауға тиіс.

Комиссияның құрамына ауданының (облыстық маңызы бар қаланың) жергілікті атқарушы және өкілді органдарының және өнірлік кәсіпкерлер палаталары филиалдарының, сондай-ақ мүдделі мемлекеттік органдардың және жеке ұйымдардың өкілдері кіреді.

5. Комиссияға кәсіпкерлікті дамыту мәселелеріне жетекшілік ететін аудан (облыстық маңызы бар қала) әкімінің орынбасары жетекшілік етеді.

6. Ауданының (облыстық маңызы бар қаланың) жергілікті атқарушы органының кәсіпкерлікті дамытуға жауапты құрылымдық бөлімшесі мүлік иелерінің 2024 жылғы су тасқыны салдарынан зардап шеккен деп тану туралы өтініштерін қабылдауды, құжаттарды жинауды және қалыптастыруды жүзеге асыратын Комиссияның жұмыс органы болып табылады.

7. Комиссияның қызметін бастау және тоқтату туралы шешімді ауданының (облыстық маңызы бар қаланың) жергілікті атқарушы органы қабылдайды.

## **3-тарау. Комиссияның міндеттері**

8. Комиссияның міндеттері:

- 1) 2024 жылғы су тасқыны салдарынан мүлік иесін зардап шеккен деп тану;
- 2) мүлік иелері ұсынған құжаттарды қарау;
- 3) жойылған/бұлінген жылжымайтын мүлікке қарап-тексеру жүргізу (қажет болған жағдайда);
- 4) мүлік иелері ұсынған мәліметтер мен құжаттарды тексеруді ұйымдастыру (қажет болған жағдайда) болып табылады.

9. Жүктелген міндеттерді орындау үшін Комиссия:

- 1) 2024 жылғы су тасқыны салдарынан мүлік иесін зардап шеккен деп тану туралы мәселені қарау кезінде Комиссияның отырыстарына мүлік иелерін және (немесе) лауазымды адамдарды, мүдделі мемлекеттік органдар мен ұйымдарды шақырады (қажет болған жағдайда);

2) 2024 жылғы су тасқыны салдарынан өзін зардап шеккен деп тану мақсатында мүлік иесі ұсынған мәліметтер мен құжаттарға тексеру жүргізеді (қажет болған жағдайда);

3) өз құзыреті шегінде қолданыстағы заңнамада көзделген тәртіппен және шарттарда шешімдер қабылдайды.

#### **4-тaraу. Комиссияның қызметін ұйымдастыру**

10. Төрағаның шешімі бойынша Комиссияның отырыстары мынадай нысандарда өткізіледі:

1) Комиссия мүшелерінің бірлесіп қатысуы (бетпе-бет нысан не онлайн форматтағы бетпе-бет нысан);

2) мүлік иесінің не ол уәкілдептік берген адамның қатысуымен Комиссияның көшпелі отырыстары.

11. Комиссияның отырысы қажеттігіне қарай, бірақ аптасына кемінде бір рет өткізіледі.

12. Комиссия бетпе-бет нысанда (онлайн форматтағы бетпе-бет нысан) өткізілетін отырыста оның мүшелерінің жартысынан астамы болған кезде шешім қабылдайды.

13. Комиссия отырысының күн тәртібін төраға, ал ол болмаған кезде – тиісті шешімнің негізінде төрағаның міндептін атқарушы Комиссия мүшесі бекітеді.

14. Комиссия отырысын төраға, ал ол болмаған кезде – тиісті шешімнің негізінде төрағаның міндептін атқарушы Комиссия мүшесі шақырады.

15. Комиссияның отырыстарын шақыру Комиссияның отырысы өткізілетін күнге дейін кемінде 1 (бір) жұмыс күні бұрын Комиссияның мүшелеріне электрондық нысанда (ақпараттың тұтастығы мен құпиялылығын қамтамасыз етуге мүмкіндік беретін электрондық поштаны немесе байланыстың өзге де түрлерін қоса алғанда, электрондық байланыс арналарын, сондай-ақ хабарламаны алу фактісін анық айқындау мүмкіндігін пайдалана отырып немесе адресатқа тікелей қол қойғызу арқылы табыс етіледі) хабарламалар жіберу жолымен жүргізіледі.

16. Хабарламада мыналар көрсетіледі:

1) Комиссия отырысының өткізілетін күні, уақыты, орны және форматы;

2) Комиссия отырысының күн тәртібі.

Хабарламаға қаралатын мәселелерге байланысты қажетті материалдар қоса беріледі

17. Комиссияның отырыстарын шақыру туралы хабарлама қажет болған жағдайда Комиссияның бетпе-бет отырысына қатысу үшін шақырылатын өзге адамдарға да жіберіледі.

Шақырылатын адамдардың тізбесін төраға немесе бүйрықтың негізінде төрағаның міндептін атқарушы Комиссияның мүшесі айқындаиды.

18. Комиссия отырысын өткізу нысанына қарамастан, мәселелерді шешу кезінде Комиссияның әрбір мүшесі бір дауысқа ие болады.

19. Комиссия мүшелері Комиссияның жұмысына өздері қатысады. Дауыс беру құқығын беруге, сондай-ақ басқа адамдар үшін дауыс беруге жол берілмейді.

20. Комиссияның құзыретіне кіретін мәселелер бойынша шешімдер Комиссия мүшелерінің көпшілік дауысымен қабылданады.

21. Комиссияның хатшысы Комиссия төрағасының шешімімен ауданың (облыстық маңызы бар қаланың) жергілікті атқарушы органдарының жұмыскерлері қатарынан тағайындалады. Комиссияның хатшысы Комиссияның мүшесі болып табылмайды және дауыс беру құқығы жоқ.

22. Комиссия хатшысы:

1) Осы Ережеде көзделген тәртіппен Комиссияның қарауына шығарылатын мәселелер қатарынан Комиссияның кезекті отырысының күн тәртібін қалыптастырады және оны Комиссияның төрағасына бекітуге ұсынады;

2) Комиссияның отырысын шақыру туралы хабарламаларды дайындауды және таратуды, қажетті материалдарды жинауды және таратуды ұйымдастырады;

3) отырысқа шақырылған адамдарды Комиссия отырысының өткізілетін күні, орны мен уақыты туралы хабардар етеді, оларға отырыстың күн тәртібіндегі мәселелер бойынша материалдар жібереді;

4) мүлік иелерінен келіп түскен өтініштерді есепке алуды жүргізеді;

5) Комиссия отырыстарының хаттамаларын жүргізеді және оларға қол қояды;

6) Комиссияның қарауына ұсынылған материалдардың тұпнұсқаларын есепке алуды және сактауды жүргізеді;

7) Комиссияның қызметін ұйымдастырушылық қамтамасыз етуді жүзеге асырады;

8) Комиссия отырысының хаттамаларынан үзінді көшірмелерді олардың орындалуын қамтамасыз ету мақсатында белгіленген тәртіппен таратуды жүзеге асырады;

9) Комиссия отырысы хаттамаларының көшірмелерін, сондай-ақ Комиссия отырысы хаттамасынан үзінді көшірмелерді (үзінді көшірмелердің көшірмелерін) куәландырады.

23. Комиссия мүшелері өз қызметін жүзеге асыру кезінде:

1) Комиссияның құрамында әрекет етеді, Комиссияның құзыретіне жатқызылған мәселелер бойынша талқылауға және дауыс беруге қатысады;

2) Комиссия отырысының күн тәртібін қалыптастыру мәселелері бойынша өтініштер жасай алады, ұсыныстар енгізеді;

3) Комиссияның жұмыс жоспарларын қалыптастыру бойынша жазбаша ұсыныстар енгізеді;

4) осы Ережеде көзделген тәртіппен Комиссия отырысын шақыруды талап етеді;

5) Комиссия отырысының хаттамасына Комиссия отырыстарының күн тәртібі мәселелері бойынша қабылданған шешімдер бойынша ерекше пікірді енгізуді талап етеді;

6) Қазақстан Республикасы заңнамасының сақталуын қамтамасыз етеді;

7) Комиссияның мұддесі үшін адал, парасатты және әділ әрекет етеді;

8) Комиссия отырысына өзі қатысады;

9) Комиссия хатшысына Комиссия отырысы басталғанға дейін кемінде бір күн бұрын өзінің болмау себептерін көрсете отырып, Комиссияның отырысына қатысу мүмкіндігі жоқ екені туралы хабарлайды;

10) мұдделер қақтығысы туындаған жағдайда Қазақстан Республикасының заңнамасына қайшы келетін мақсаттарда өзінің қызметтік жағдайын (Комиссия мүшесі ретінде) пайдаланудан бас тартады.

24. Комиссияның мүшелері мұдделер қақтығысы туындаған жағдайда Комиссияны хабардар етуді қамтамасыз етеді және тиісті шешімдер қабылдау кезінде дауыс беруден (тиісті шешім қабылдаудан қалыс қалу) қалыс қалады.

#### **5-тaraу. Комиссияның қорытындысын ресімдеу**

25. Комиссия отырысының нәтижелері бойынша Комиссия хатшысы ол өткізілгеннен кейін 1 (бір) жұмыс күнінен кешіктірілмейтін мерзімде осы Улгілік ережеге қосымшаға сәйкес нысан бойынша қорытынды дайындаиды, оған Комиссия төрағасы мен хатшысы қол қояды.

2024 жылғы су тасқыны  
салдарынан агроОнеркәсіптік  
кешенниң кәсіпкерлік  
субъектілерін жылжымайтын  
мұлік бойынша зардап шеккен  
деп тану жөніндегі аудандық  
(облыстық маңызы бар қала)  
комиссияның үлгілік ережесіне  
қосымша

Нысан

**2024 жылғы су тасқыны салдарынан агроОнеркәсіптік кешенниң кәсіпкерлік субъектілерін жылжымайтын мұлік бойынша зардап шеккен деп тану жөніндегі комиссияның ҚОРЫТЫНДЫСЫ**

\_\_\_\_\_ аудан/қала \_\_\_\_\_ 20\_\_\_\_ жылғы "\_\_\_"

\_\_\_\_\_ облысы \_\_\_\_\_ ауданының/облыстық маңызы бар қаласының

2024 жылғы су тасқыны салдарынан агроОнеркәсіптік кешенниң кәсіпкерлік субъектілерін жылжымайтын мұлік бойынша зардап шеккен деп тану жөніндегі комиссиясы:

**АҢЫҚТАДЫ:**

2024 жылғы "—" бастап "—" дейінгі кезеңде  
облысының \_\_\_, \_\_\_, ауданы/облыстық маңызы бар қаласы,  
ауылдың/кентінің \_\_\_, көшесі мекенжайы бойынша  
тиесілі

(дара кәсіпкер/занды тұлғаның атауы)

жылжымайтын мүлкін су басу орын алды.

Су басу нәтижесінде мынадай жылжымайтын мүлікке залал келтірілді:

\_\_\_\_\_.

(дара кәсіпкер/занды тұлғаның атауы)

2024 жылғы су тасқыны салдарынан зардап шеккен деп танылды.

Комиссия төрағасы \_\_\_\_\_

Комиссия хатшысы \_\_\_\_\_

2024 жылғы су тасқыны  
салдарынан агроенеркәсіптік  
кешенің кәсіпкерлік  
субъекттеріне жылжымайтын  
мүлік бойынша келтірілген  
мүліктік шығынға өтемақы  
төлеу қағидаларына  
3-қосымша

Нысан

\_\_\_\_\_ (облысының)

2024 жылғы су тасқыны  
салдарынан агроенеркәсіптік  
кешенің кәсіпкерлік  
субъекттеріне жылжымайтын  
мүлік бойынша келтірілген  
мүліктік шығынның өтемақысын  
айқындау жөніндегі өнірлік  
комиссиясы

**2024 жылғы су тасқыны салдарынан агроенеркәсіптік кешенің кәсіпкерлік субъекттеріне  
жылжымайтын мүлік бойынша келтірілген мүліктік шығынның өтемақысын төлеу туралы  
өтініш**

- Жеке индикациялық нөмір/Бизнес индикациялық нөмір: \_\_\_\_\_
- Дара кәсіпкердің/занды тұлғаның атауы: \_\_\_\_\_
- Байланысатын тұлғаның тегі, аты, экесінің аты (ол болған жағдайда):  
\_\_\_\_\_
- Байланыс деректері: \_\_\_\_\_
- Электрондық пошта мекенжайы: \_\_\_\_\_
- Дара кәсіпкер/занды тұлғаның занды мекенжайы: \_\_\_\_\_

7. Банктің банктік сәйкестендіру коды: \_\_\_\_\_

8. Ағымдағы/жинақ шот нөмірі: \_\_\_\_\_

9. Қайтару түрі \_\_\_\_\_

(1. сот сараптамасын/арнайы зерттеуді жүргізбей

2. сот сараптамасы/арнайы зерттеу негізінде өтеу)

10. Жылжымайтын мүлікті ерікті сақтандыру шартының болуы:

11. Жылжымайтын мүлік түрі: \_\_\_\_\_

(ерікті түрде)

12. Өтемақы сомасы: \_\_\_\_\_

13. Осы өтінішпен "Дербес деректер және оларды қорғау туралы" Қазақстан Республикасы Заңының 8-бабына сәйкес өзімнің дербес деректерімді жинауға және өндeуге келісім беремін.

14. Қоса беріліп отырған құжаттардың тізбесі: \_\_\_\_\_

(мүлік иесінің не оның өкілінің тегі, аты, әкесінің аты (ол болған жағдайда), қолы, мөрі (ол болған жағдайда)

2024 жылғы су тасқыны  
салдарынан агроенеркәсптік  
кешеннің кәсіпкерлік  
субъектілеріне жылжымайтын  
мүлік бойынша келтірілген  
мүліктік шығынға өтемақы  
төлеу қагидаларына  
4-қосымша

Нысан

(облысының)

2024 жылғы су тасқыны  
салдарынан агроенеркәсптік  
кешеннің кәсіпкерлік  
субъектілеріне жылжымайтын  
мүлік бойынша келтірілген  
мүліктік шығынның өтемақысын  
айқындау жөніндегі өнірлік  
комиссиясы

**Жылжымайтын мүлікті ерікті сақтандырудың жоқтығы туралы өтініш**

(дара кәсіпкердің/занды тұлғаның атауы)

осы өтінішпен 2024 жылғы су тасқыны салдарынан материалдық залал келтірілген жылжымайтын мүлік Қазақстан Республикасының сақтандыру және сақтандыру қызметі туралы заңнамасына сәйкес сақтандырылмағанын растаймын.

---

(мұлік иесінің не оның өкілінің тегі, аты, әкесінің аты (ол болған жағдайда), қолы, мөрі (ол болған жағдайда)

2024 жылғы су тасқыны  
салдарынан агроенеркәсіптік  
кешеннің кәсіпкерлік  
субъектілеріне жылжымайтын  
мүлік бойынша келтірілген  
мүліктік шығынға өтемақы  
төлеу қағидаларына  
5-қосымша

Нысан

---

(  
облысының)  
2024 жылғы су тасқыны  
салдарынан агроенеркәсіптік  
кешеннің кәсіпкерлік  
субъектілеріне жылжымайтын  
мүлік бойынша келтірілген  
мүліктік шығынның өтемақысын  
айқындау жөніндегі өнірлік  
комиссиясы

### **Мұлік иесіне не оның өкіліне ұсынылатын құжаттардың дұрыстығы үшін қылмыстық жауаптылық жөнінде ескертілгені туралы хабарлама**

Мен,

(мұлік иесінің не оның өкілінің тегі, аты, әкесінің аты (ол болған жағдайда)

2024 жылғы су тасқыны салдарынан келтірілген мүліктік шығынның өтемақысы мөлшерін айқындау үшін құжаттар ұсындым. Қазақстан Республикасы Қылмыстық кодексінің ережелеріне сәйкес маған көрінеу жалған құжаттарды және (немесе) осындай құжаттарда көрсетілген анық емес мәліметтерді бергені үшін жауаптылық туралы ескертілді.

---

(мұлік иесінің не оның өкілінің тегі, аты, әкесінің аты (ол болған жағдайда),  
қолы, мөрі (ол болған жағдайда)

2024 жылғы су тасқыны  
салдарынан агроенеркәсіптік  
кешеннің кәсіпкерлік  
субъектілеріне жылжымайтын  
мүлік бойынша келтірілген  
мүліктік шығынға өтемақы  
төлеу қағидаларына  
6-қосымша

## Нысан

(облысының)

2024 жылғы су тасқыны  
салдарынан агроОнеркәсіптік  
кешеннің кәсіпкерлік  
субъектілеріне жылжымайтын  
мүлік бойынша келтірілген  
мұліктік шығынның өтемақысын  
айқындау жөніндегі өнірлік  
комиссиясы

**Бағалау, сараптама үйымдарына және өтемақының мөлшерін айқындау үшін тартылатын  
адамдарға олар ұсынатын құжаттардағы мәліметтердің дұрыстығы үшін қылмыстық  
жауаптылық жөнінде ескертілгені туралы хабарлама**

Мен, \_\_\_\_\_,  
(тегі, аты, әкесінің аты (ол болған жағдайда))

(дара кәсіпкердің/занды тұлғаның атауы)

2024 жылғы су тасқыны салдарынан келтірілген залалдың мөлшерін айқындау  
бойынша сараптама/бағалау жүргіздім. \_\_\_\_\_ Қазақстан  
Республикасы Қылмыстық кодексінің ережелеріне сәйкес маған көрінеу жалған  
қорытынды/бағалау немесе қорытындыда/бағалауда көрсетілген анық емес мәліметтер  
бергені үшін жауаптылық туралы ескертілді.

(тегі, аты, әкесінің аты (ол болған жағдайда), күні, қолы, мөрі (ол болған жағдайда))

© 2012. Қазақстан Республикасы Әділет министрлігінің «Қазақстан Республикасының Заннама және  
құқықтық ақпарат институты» ШЖҚ РМК